



TARIKH	16 APRIL 2026 (KHAMIS)	SURATKHABAR	BH / UM / NST / TS / HM / KOSMO
TAJUK ARTIKEL	KOREA UTARA TINGKAT KAPASITI SENJATA NUKLEAR		
M/S	33 (LUAR NEGARA)	KATA KUNCI	UN, NORTH KOREA, IAEA, ATOMIC
BIDANG	NUCLEAR	WEAPONS	

Utusan Malaysia
KHAMIS • 16 APRIL 2026

33

Korea Utara tingkat kapasiti senjata nuklear

SEOUL: Ketua Agensi Tenaga Atom Antarabangsa (IAEA), Rafael Grossi berkata, Korea Utara menunjukkan peningkatan serius dalam keupayaan pengeluaran senjata nuklearnya.

Bercakap di Seoul, ketua badan pemantau nuklear Pertubuhan Bangsa-Bangsa Bersatu (PBB) itu mengesahkan berlaku peningkatan pesat aktiviti di reaktor lima megawatt, unit pemrosesan semula, sebuah reaktor air ringan dan beberapa kemudahan lain di kompleks nuklear Yongbyon di Korea Utara.

Beliau berkata, program nuklear negara itu dianggarkan mempunyai beberapa dozen kepala peledak.

Ahad lalu, Korea Utara menjalankan satu lagi ujian peluru berpandu jelajah strategik dan peluru berpandu anti-kapal sebagai sebahagian daripada ujian kecekapan operasi kapal pemusnah Choe Hyon, menurut media rasmi KCNA.

Pemimpin Korea Utara, Kim Jong Un dilaporkan menyaksikan ujian tersebut bersama pegawai kanan pertahanan dan komander tentera laut.

Dua peluru berpandu jelajah strategik dan tiga peluru berpandu anti-kapal ditembak bagi menguji sistem arahan tempur bersepadu kapal itu, melatih kru dalam prosedur pelancaran peluru berpandu serta mengesahkan ketepatan dan prestasi anti-gangguan sistem navigasi yang dinaik taraf.

KCNA melaporkan peluru berpandu jelajah itu terbang selama kira-kira 7,869 hingga 7,920 saat, manakala peluru berpandu anti-kapal selama 1,960 hingga 1,973 saat di perairan pesisir barat negara itu, sebelum mengenai sasaran dengan apa yang digambarkan sebagai ketepatan ultra.